



МЕСЯЦА АВГУСТА В 20-й ДЕНЬ

Святаго пророка Самуила

НА ВЕЧЕРНИ

На Господи, возвах: **стихиры праздника, глас 6.**

Подобен: Всю отложивше:

К жизни присносущней / Жизнь рождающая престаившая, / подающая верным милость, / Всенепорочная Богородица днесь, / и тварь вся нынне, играющая, радуется, / ангельская совокупления нынне, / яко Царице срадуящейся, провождают, / празднственное пение совершающее в песнях: / единый же Сей Сын и всех Царь / с Собою всели, яко всеми владычествующую.

Облаки носими, / богогласнии от всея земли / приидоша в Сион вземлени апостоли, / видети славно Матере Господни / и святое войстинну успение, / и светозарны глаголы принести, / и чудно погребение соделати Сей, / яко рождающей Господа, / и верным всем прибежище, / и покров державен, / иже на земли Божественный / и непоборимый войстинну бывши.

Светло празднуем в Божественном успении, / Яже всех вышши тварей, / приносяще Сей славы и светлыя вси дары, / войстинну божественны, / яже суть Сей лепотны, / веру, и надежду, и любовь несмутну, / чистоту, освящение и правду, / иже наслаждается, / да и причастники Ей сподобит нас быти, / и Царствия Вышняго удостоит.

Ины стихиры святаго, глас 4.

Подобен: Дал еси знамение:

Дар благоприятен, / от матерних тя рук возложі
рождшая, / молитвы достѡин, Самуиле, плод тя
наследовавши / и отдавши Богу Благодетелю,
якоже обещаеся. / Темже в тебе упокоися благодать
Духа, славне, / беззлобием возрастѡвши / и мудро-
стию украсѡвши.

Мастию священною яко священник обложимъ / и
пророк являемъ, прозираеши предняя, / и повеле-
нием Божественным помазѡеши царя, / и будущая
сказѡеши, / судя праведно израильтеским людем, /
непрестанно согрешающим / и от Бога удаля-
ющимся, / Самуиле досточудне, Богоносе пребога-
те.

Нѡне не в гаданиих, / ниже в сѡнех, яко первее, /
к лицу же лицем зриши, / Егѡже возжелал еси, /
плотскій мрак и тяготу отложив, / и, Небеса
обходя, радуешися, / пророче всечестне, / проро-
ком равностоителю, / праведным собесѡднице / и
Ангелом сопрѡчастнице.

Слава, и ныне, глас 6:

На безсмертное Твое успѡение, / Богородице,
Мати Живота, / облацы апѡстолы по воздуху
восхищаху, / и, по миру разсеянные, / во едином
лице предсташа пресвятому Твоему телу, / еже и
погребше честно, / глас Тебе Гавриѡлов поюще,
вопѡяху: / радуйся, Благодатная, Дѡво, / Мати
Безневѡстная, / Господь с Тобѡю. / С нимиже, яко
Сына Твоего и Бога нашего, моли / спастися
душам нашим.

На стихѡвне стихиры, глас 6.

Подобен: Тридневен:

Глаголом Божественнаго Гавриѡла последу-
юще, / радуйся, Тебе зовѡм, Чѡстая. / Ты ѡбо
Пресвятая и Мати Господня, / к Сему преставль-
шися, / поминай о воспевающих Тя.

Стих: Воскресни, Господи, в покой Твой, / Ты и
Кивѡт святѡни Твоея.

Неизмерная Премудрость Божия / храм Себе
паче ума, Богородице, созда / из Тебе Духом

Святѣмъ / и ныне Тя к невещественнымъ селѣниемъ / престави, Всепѣтая.

Стих: Клятсѣя Господь Давиду истиною, / и не отвержется ея.

Раба, ныне прихожду к Тебѣ, / Матери всехъ Бога, / от всякихъ избавитися напастей моляся, / но, о Богородительнице, / царствующи с Сыномъ Твоимъ, / христіанскій родъ сохраняй.

Слава, и ныне, глас тойже. Самогласен:

Егда преставленіе пречыстаго Твоего тѣла готовляшесѣя, / тогда апостоли, обстоюще одра, / с трепетомъ зряху Тя, / и ови убо, взирающе на тѣло, / ужасомъ одержими бяху, / Петръ же со слезами вопияше Ти: / о Дѣво, / вижду Тя ясно простѣрту простоу, Живота всехъ, / и удивляюся, / в Нейже вселіся будущія жизни наслажденіе. / Но, о Пречыстая, / молися прилежно Сыну и Богу Твоему / спастіся стаду Твоему невредиму.

Тропарь, глас 2:

Даръ многочѣстенъ данъ бысть неплодней утробѣ / и принесенъ въ жертву, яко всесоужженіе благоприятно, Господеву своему, / послуживъ Тому въ преподобіи и правдѣ, / темъ Тя почитаемъ, пророче Божій Самуиле, / яко молитвенника о душахъ нашихъ.

Ин тропарь, глас 5:

От матери умоленный, тезоимените дания Божія, / от Бога звания во младенчествѣ сподобися, / честный пророче Самуиле, / добре пасый непокоривыя люди / и царемъ явивыйся устроитель, / и о насъ, верно чтущихъ Тя, моли Истиннаго Бога, / да спасетъ души наша.

Ин тропарь, общій, глас 2:

Пророка Твоего Самуила память, Господи, празднующе, / темъ Тя молимъ: / спаси души наша.

Слава, и ныне, тропарь праздника, глас 1:

Врождествѣ дѣвство сохранила еси, / во успѣнии мѣра не оставила еси, Богородице, / престави

вилася есі к животу́, Ма́ти су́щи Живота́, / и моли́твами Твои́ми изба́вляеши от сме́рти ду́ши на́ша.

НА УТРЕНИ

По 1-й стихоло́гии седа́лен, глас 4.

Подобен: Удивіся Іосиф:

Ші́ршая небес я́вльшися на землі, ро́ждшая плóтию всех Содéтеля, / ны́не в са́мая Небе́сная от землі преста́вилася есі. / Пра́ведных у́бо ду́ши смотре́юще Тя, а́нгельстии же ли́цы зря́ще, / я́ко Цари́це хвалу́ досто́йно всегда́ Тебе́ прино́сят. / Те́мже моля́щи не преста́й о воспева́ющих Тя.

Сла́ва, и ны́не, то́йже.

По 2-й стихоло́гии седа́лен, глас 5.

Подобен: Собезначальное:

А́нгел мно́жества славосло́вят Тя, и челове́ческий род ве́рно поёт Тя, / я́ко преста́вилася есі от землі к Ро́ждшемуся из Тебе́, Богоро́дице Чі́стая. / И ны́не мо́лишися приле́жно, изба́витися от бед / ве́рою пра́зднующим Твое́, Де́во, преста́вление.

Сла́ва, и ны́не, то́йже.

Кано́н пра́здника со ирмосо́м на 8, глас 1.

Песнь 1

Ирмос: Преукраше́нная Божéственною сла́вою, / свяще́нная и сла́вная, Де́во, па́мять Тво́я / вся собра́ к весéлию ве́рныя, / начина́ющей Мари́аме, с ли́ки и тимпа́ны, / Твоему́ пою́щия Единоро́дному: / сла́вно я́ко просла́вился.

Да провожда́ют неवेशе́ственнии чи́нове / небоше́ственное в Сио́н Божéственное те́ло Твое́, / внеза́пу же стéкшеся апо́стол мно́жество от ко́нec, Богоро́дице, Тебе́ предста́ша а́бие, / с ни́миже, Чі́стая, Твою́ честну́ю, Де́во, па́мять сла́вим.

Побéдныя по́чести взяла́ есі на естество́, Чі́стая, Бо́га ро́ждши, / оба́че же, подóблящися Творцу́ Твоему́ и Сы́ну, / па́че естества́ повинúешися естéственным зако́ном. / Те́мже умéрши, с Сы́ном воста́еши, ве́чнующи.

Ин канон святого на 4, егоже краегранесие: Зрящаго Самуила пою славу. Творение Иосифово, глас 4.

Песнь 1

Ирмос: *Тристаты крепкия, / Рождейся от Девы, / безстрастия во глубинѣ / души тричастное потопи, молюся, / да Тебѣ, яко в тимпане, / во умерщвлении телесѣ / побѣдное воспою пение.*

Неплодной моей души добродетелей благоплодие израстити / твоими молитвами сподоби, мудре, неплодныя прозябение, / яко да твое восхвалю светоносное торжество священными, Самуиле, пѣснями.

Разверзый древле ложесна Сарры и Аннину молитву исполняет проявлено, / и неплодную плодовиту благодатию сотвори, Самуиле, / яко звезду, ты из ней возсияти благоизволи.

Божественную священно омочив, преблаженне, одежду, / душу же зарями тайными просветил еси Духа, / всякой тайне, Богомудре, научився / и, яко Ангел, служив Богу Вседержителю.

Богородичен: *Сый со Отцем, яко Сын превечен, в послѣдняя воплощся, / Сын Твой истинно бысть, Чистая, / всех же сыноположив Богу веры ради, работавшия лютому борителю.*

Песнь 3

Ирмос: *Содетельная и содержительная всех / Божия Мудросте и Сило, / непреклонну, недвижиму Церковь утверди, Христѣ, / един бо еси Свят, / во святых почиваяй.*

Жену Тя мертвенну, но паче естества и Матерь Божию / видевше, Всенепорочная, славнии апостоли / ужасно прикасахуся руками славою облиставшей, / яко богоприятное Селение видяще.

Постиже рuce досадительныя дерзаго, усечением суд нанес, / Богу сохранявшу честь одушевленному Кивоту, славою Божества, / в Немже Слово плоть бысть.

Ин

Ирмос: *Не мудростию, и силою, и богатством хвалимся, / но Тобю, Отчею Ипостасною Мудро-*

стию, Христѣ, / несть бо свят, паче Тебѣ, Человеколюбче.

Высочайше Бóгу прилепівся, славне, / возлюблен был еси от Него, / мудростию Божественною украшаемь и целостию удобряемь.

Житиѣ ангельское на земли, Самуиле, показуя, / собесѣдующия яве Ангелы имѣл еси, блаженне, / и яже паче умá научающия тя.

Свѣтло око душевное стяжав, / зриши войстинну дальная, яко настоящая, благодатию, / пророк показуяся Вседержителя.

Богородичен: Из Тебѣ пройде Иисус Христос воплощаемь / и обожѣ нас плоти прїятием, Всенепорочная, / темже яко Матерь Тя Сего почитаем.

Кондак пророка, глас 8:

Яко многочестный дар, прежде зачатїя вдан Бóгу, / и из млада Тому, яко Ангел, послужил еси, всеблаженне, / и сподобился еси предбудущая вещати. / Темже вопиѣм ти: / радуяся, пророче Божий Самуиле, архиерею великий.

Ин кондак, пророка, глас 5:

Помазателю царский, / паче же святаго боговидца Давида, / великий Самуиле, / потщися умолити о нас, / да помажемся Святаго Духа мастию / и будем странни неприязни, / якоже Давид нечистому духу Саулову.

Седален, глас 3.

Подобен: Божественныя веры:

Закона судьбами воспитан, помазание честно явился еси, / якоже Аарон, священствовав, и, просветив сердце Духом, / яко настоящая, дальная провидел еси, пророче честный. / Христа Бога моли даровати душам нашим мир и велию милость.

Слава, и ныне, глас тойже.

Подобен: Красотѣ дѣвства:

В рождествѣ Твоѣм зачатїе безсеменное, / во успѣнии Твоѣм мѣртвость нетлѣнная, / чудо в чудесѣ сугубо стечѣся, Богородице: / како бо Неискусомужная, Младопитательница чиста сугубо

щи?/ Како же Мати Бóгу мертвонóсна мироухá-
ющи?/ Тémже со А́нгелом вопиém Ти:/ рáдуйся,
Благодáтная.

Песнь 4

Ирмос: Рéчи прорóков и гадáния/ воплощéние
прояв́ша от Дéвы Твоé, Христé:/ сия́ние блиста́-
ния Твоегó во свет язы́ков изы́дет,/ и возглас́ит
Тебé бéздна с весéлием:/ síле Твоéй сла́ва, Чело́ве-
колю́бче.

Видите, лю́дие, и чудíteся:/ Горá бо святáя и
я́вственна́я Бóгу в Небéсныя об́ители прев́шше
взémлется,/ Не́бо земно́е в Небéсное и нетлénное
селéние вселя́емо.

Жизни присносу́щныя и лúчшия смерть Твоя́
бысть прехождéние, Ч́истая,/ от приврéменных к
Божéственной войстинну и непрехо́димей пре-
ставля́я Тя, Ч́истая,/ в весéлии Сы́на зрéти Твоегó
и Гóспода.

Взяшася двéри Небéсныя, и А́нгели воспéша,/ и
прият Христóс дéвства Своея́ Мátере сосúд;/
Херув́ими подъя́ша Тя с весéлием,/ Сераф́ими же
сла́вят, рáдующеся.

Ин

Ирмос: Седя́й в сла́ве на Престо́ле Божества́,/ во
облаце лéгце/ при́де Исýс Пребожéственный/
Нетлénною Длáнию и спасé зовúщия:/ сла́ва,
Христé, síле Твоéй.

Изрýдным житиém священноукраша́емь,/ Бóжия
зако́ны спасительны́я ввэ́рени тебе́ б́ыша,/ Изра́-
илью возвещáти преступáюще/ и Милосéрдаго
всегда́ прогнэ́вающе.

Ил́ий жрец, беззакóннующим сынóм, осужда́ет-
ся,/ и прáведным судóм Божéственныхя слúжбы
отлучáется,/ священ́ный же Самúил, я́ко послу́ш-
ник Зовúщаго, нелéстною душéю ввóдится.

Закóнным оправданием предсто́я изрýдно,/ я́ко-
же Аарóн дрéвле, Всецарю́ служ́ил ес́й/ и закóн-
ныя жéртвы принос́ил ес́й,/ прообразúющия Хри-
сто́во заколéние спасительное.

Безúмным лю́дем тво́йм, Самúиле, не пребывá-
ющим всех Царя́ в Божéственных повелéниях,/ по-
мазúеши мановéнием богодéльным царя́, я́коже
прос́иша,/ рогопосека́юща тех крéпость безúмную.

Богорóдичен: Недр не истощив Óтчих, / в нéдрах Твои́х я́коже нов Младéнец восклонит́ся благоволи́, / на воззв́ание, Дéво, душ на́ших, Емúже зовéм: / сла́ва, Христé, силе Твое́й.

Песнь 5

Ирмо́с: *Бóжию и неизречéнную добрóту / добродéтелей Твои́х, Христé, исповéм: / от Присносúщныя бо Сла́вы / Соприсносúщное и Ипостáсное возсия́вый Сия́ние, / из дéвственныя утрóбы / сýщим во тьме и сéни вопло́щся, / возсия́л еси́ Сóлнце.*

Я́ко на о́блаце, Дéво, апóстольский лик носимъ, / к Сиóну от конéц служи́ти Тебе́, О́блаку лёгкому, собира́шеся: / от Нея́же Вь́шний Бог сýщим во тьме и сéни Пра́ведное возсия́ Сóлнце.

Труб богопри́ятнии язы́цы богослóвных мужéй благогласнейше Богорóдице вопия́ху, / исходную возглаша́юще песнь Дúхом: / ра́дуйся, нетлéнный Исто́чнице / Бóжия живоначáльнаго и спаси́тельнаго всем вопло́щения.

Ин

Ирмо́с: *Нечестивии не узрят сла́вы Твое́й, Христé, / но мы Тя, Единорóдне, / Отéческия сла́вы Сия́ние Божества́, / от но́щи у́треннююще, / воспевáем Тя, Человеколю́бче.*

Умудрився Дúхом Божéственным, из младéнства служи́тель был еси́ Бóгу, / елéем, сла́вне, пома́зания царí благода́тию помазу́я, / Божéственными мановéньми.

Непоко́рно пребыва́ющу предрéкл еси́ Сау́лу безчи́нная преложéния, Саму́иле блажéнне, / Божéственное хотéние и оставлéние я́ве Божéственного Дúха.

Беззло́бием всегда́ со израи́льтяны живы́й, / злое преложéние я́ве обличáше, / исправля́я, я́ко священник Божéствен, я́ко проро́к и́стиннейший.

Богорóдичен: С на́ми быв за милосéрдие, / Спас от кровéй Твои́х священных па́че ума́, Всенепоро́чная, вопло́щáется / и Бог и Чело́век Чело́веколю́бец познава́ется.

Песнь 6

Ирмо́с: *Морский пучинорóдный китов внúтренний огонь — / триднёвнаго Твоего́ погребéния про-*

ображение, / егѣже Иѡна пророкъ показася. / Спасен бо, яко и предпослася, неврежден, вопиаше: / пожру Ти со гласом хваления, Господи.

Даёт Тебѣ яже превѣше естества Царь всех Бог: / в рождествѣ бо Дѣву якоже сохрани, тако во грѣбе тѣло соблюде нетленно / и прослави Божественным преставлением, / честь Тебѣ, яко Сын Матери, даруя.

Войстинну Тя, яко свѣтел свѣщник невестественнаго Свѣта, / кадильницу златую Божественнаго Угля, во Святая святых всели, / ручку и жезл, скрижаль богописанную, ковчег святый, / трапѣзу Слова жизни, Дѣво, Рождество Твое.

Ин

Ирмос: Возопи, прообразуя погребение тридневное, / пророкъ Иѡна, в ките моляся: / от тли избави мя, Иисусе, Царю сил.

Слово твое, Слова обожаемо благодатию, проявляше дальная, яко близ сущая, / Самуиле пророче, сосуде Божественнаго Духа.

Возвышаемъ высокими видениями и деяньми, / яко пророкъ и Божий священник Вседержителя, / законными служениями очищаеши люди, досточудне.

Непотребствовася Саул, преступник быв, / и Бог тебе вместо онаго Давида кроткаго, / Самуиле Богомудре, повелевает помазати мастию.

Богородичен: Избавися от болезней Ева, Пренепорочная, / без болезни бо Ты родила еси Христа Бога нашего, / страсти всех и болезни яве исцелившаго.

Кондак, глас 2:

В молитвах Неусыпающую Богородицу / и в предстательствах непреложное упование / гроб и умерщвление не удержаста, / якоже бо Живота Матерь / к животу престави / во утробу Вселившийся приснодѣвственную.

Икос:

Оградѣ мой помышления, Христѣ мой, / ибо Стѣну мѣра воспѣти дерзаю, Чѣistou Матерь Твою, / на столпѣ глагол укрепѣ мя и в тяжких мыслех заступѣ мя, / Ты бо взывающим и прося-

щим верою моления исполняеши./ Ты мне убо даруй язык приносен и помысл непостыден:/ всякое бо даение сияния от Тебе низпосылается, Светоподателю,/ во утробу вселившийся приснодевственную.

Песнь 7

Ирмос: *Безстудней ярости же и огню/ Божественное желание сопротивляясь,/ огонь убо орошаше,/ ярости же смеяшеся,/ богодохновенною словесною преподобных тривещанною цевницею/ противовещая мусикийским органом посреди пламене:/ препрославленный отцев и наш Боже, благословен еси.*

Богоделанная скрижали Моисей, писанные Божественным Духом, яростию сокруши,/ но сего Владыка Родшюю неврежденну в Небесныя сохраняя домы ныне внутрь всели./ С Нею играюще, вопием Христу:/ препрославленный отцев и наш Боже, благословен еси.

В кимвалех — усты чистыми, мусикийски же — сердцем светлым,/ доброгласною трубою — высокою мыслию,/ Девы и Чистыя в нарочитый избранный день преставления,/ детельными плещуще руками, вопием:/ препрославленный отцев и наш Боже, благословен еси.

Богомудрии, соберитесь, людие:/ Божия бо славы Селение от Сиона представляется к Небесному жилищу,/ идеже глас чист празднующих,/ глас несказаннаго радования, и в веселии вопиющих Христу:/ препрославленный отцев и наш Боже, благословен еси.

Ин

Ирмос: *Юноши три в Вавилоне,/ веление мучителя лево на буйство предложше,/ посреде пламене вопияху:/ благословен еси, Господи,/ Боже отец наших.*

Велик ты родшая дар всех Царю приводит, блаженне,/ молитву священну совершивши и поющи:/ Господи Боже отец наших, благословен еси.

Внутрь суща храма ты и по чину Аарону служаща Небесному Владыце,/ Божественная благодать, славне Самуиле, просвети.

Слѡвом Божѣственным сѹдиши, блаженне, людем Израїлевым, / сим оправданіе всегда Божіе возвещая / и отвращая всяк вред враговъ молитвою прилежною.

Всяку вещь упразднѣв, славне, твоего ума, / зеркало Дѹха показался еси, вопія немолчно: / благословен еси, Господи Бже отецъ нашихъ.

Богородичен: Явилася еси неопально рождши, Пречїстая, яко воистинну Огнь Божества. / Тем же, вѣщныя моя страсти, Богородительнице, попалї, / яко милостива и благолюбїва.

Песнь 8

Ирмос: Пламень, орошающ преподобныя, / злочестивыя же поपालющ, / Ангел Божий всемощный показá отроком, / живоначальный же источникъ содела Богородицу, / тлю смѣрти и животъ точащу поющим: / Содетеля единого поим, избавленнии, / и превозносим во вся вѣки.

Глаголы послѣдоваху Божѣственному Ковчѣгу священному / все множество Богослѡвовъ в Сионе: / камо идѣши ныне, Скинїе, — зовуще, — Бога Живаго? / Не прѣстай призираючи вѣрою поющія: / Содетеля единого поем, избавленнии, и превозносим во вся вѣки.

Якоже, воздѣвши рѹце, исходиши, Всенепорочная, / рѹце, имже Бога носїла еси плѡтию, / со дерзновѣнием, яко Мати, рекла еси к Рожденному: / яже Ми дал еси, во вѣки сохранїи, вопїющія Тебѣ: / Содетеля единого поем, избавленнии, и превозносим во вся вѣки.

Ин

Ирмос: Избавителю всехъ Всесильне, / посреде пламене благочествовавшия, / снизшѣд, оросїл еси / и научїл еси пѣти: / вся дела, благословїте, пойте Господа.

Украсився Ааронею одеждою, во святыхъ Святая вшел еси, / жѣртвами, преблаженне, Израїля очищаая, / провозвещающими закланїе Агнца спасительное.

Помыслом чїстым приѣм зарю, Самуїле, Дѹха, / якоже пророкъ Божествен, провозвещаеши даль-

ная, яко настоящая, / сего ради верно восхваляем
тя.

**Избран Давид бысть в сынех Иессеевых, / якоже
явил еси, помазую того мастию, Самуиле, святою и
взывая: / благословите, вся дела Господня,
Господа.**

**Иже твоё совершающе торжество, Самуиле,
праведным собеседниче, / твоими молитвами да
улучим Царство Вышнее, вопиюще: / благослови-
те, вся дела Господня, Господа.**

**Богородичен: Милосердия Твоего мя сподоби,
милостивая и благолюбивая Владычице, / и геэн-
ны избави мя и тьмы оныя кромешния, / да верою и
любовию почитаю Тя.**

Песнь 9

**Ирмос: Побеждаются естества уставы / в Тебе,
Дева Чистая: / девствует бо рождество и живёт
предобручает смерть, / по рождестве Дева и по
смерти жива, / спасаеши присно, Богородице,
наследие Твое.**

**Дивляхуся Ангельския силы, в Сионе смотряюще
своего Владыку, / женскую душу руками носяща-
го, / пречисто бо Рождшей сынолепно провозгла-
шаще: / гряди, Чистая, с Сыном и Богом прославлен-
на буди.**

**Опрята лик апостольский богоприятное тело
Твое, / со страхом зряще и гласом велиим веща-
юще: / в Небесныя домы к Сыну восходящи,
спасаеши присно, Богородице, наследие Твое.**

Ин

**Ирмос: Ева убо недугом преслушания / клятву
вселила есть, / Ты же, Дева Богородице, / прозябе-
нием чревоношения мируи Благословение про-
цвела еси. / Тем Тя вси величаем.**

**Стой яко служитель пред лицем Владыки и Бога
нашего, блаженне, / непорочным житием украшен,
Тому служил еси, / Божественныя лучи приемля и
пророчествуя явленное.**

**Явился еси от утробы матери, славне, Святаго
Духа сосуд: / священною же просияв одеждою,
Богу угодил еси / кротостию сердца, пребогате, и
помысла красотю.**

Днесь пáмьятъ твоѧ намъ, ꙗко со́лнце, Богоно́се, возсия́ лучи́ богáтыхъ даровáний, / просвещáющи дúши чтúщихъ тя, мгло́ же лю́тыхъ отгоня́щи. / Тѣмже ты вси ублажа́емъ.

Взятся ко обителемъ световиднымъ и просия́л еси́ со́лнца светлѣйше, / видиши, ꙗже видятъ проро́цы, и апóстоли, и вси праведнии, / обожа́емъ причáстиемъ, Богодохновѣнне. / Тѣмже ты вси ублажа́емъ.

Богородичен: Тлѣния не позна́вши мúжеска, / Нетлѣннаго во утрóбе прия́ла еси́ Сло́ва, / нас, истлѣвшия, избавля́ющаго мно́гими грехи́, / стра́стию нетлѣнныя плóти Егó, нетлѣнная ед́ина, Всенепорóчная.

Свети́лен.

Подóбен: Не́бо звездами:

Саму́ил пет бúди, / прѣжде зачáтия дáнный дар Бóгу Вь́шнему от мáтере всеблагослáвныя, / и царі́ помазúй сей, ꙗко иерей и проро́к.

Слáва, и ны́не, прáздника:

Апóстоли, от конѣцъ совоку́пльшесѧ зде, / в Гефсиманійстей вѣси погребите́ тѣло Моѣ, / и Ты, Сы́не и Бóже Мой, прими́ дух Мой.

На стихóвнѣ стихи́ры, гласъ 2.

Подóбен: Дóме Евфра́фов:

О, пáче естѣственныхъ, / Чистая, Твои́хъ та́инствъ: / Бóжия бо Мáти, / к Сему́, Богородице, свѣтло / ны́не прешлá еси́.

Стих: Воскресни́, Гóсподи, в поко́й Твой, / Ты и Кивóтъ святы́ни Твоея́.

Лѣствица к Небеси́ / гробъ Пречы́стыя Богороди́цы есть, / возводя́ пою́щия / Божѣственное / Сея́ успѣние.

Стих: Клáются Гóсподь Дави́ду истиною / и не отвѣржется ея́.

Егда́ ко из Тебѣ / Рождѣнному прѣстáвиласѧ еси́, / снисдóшасѧ на óблацехъ / тѣло Твоѣ погребсти́, / Дѣво, апóстоли.

Слáва, и ны́не, гласъ и подóбен тóйже:

Вси земнорóднии, / стецѣмся усѣрдно / со Безплóтными / погребсти́ Рóждшую / Творца́ твáри.

НА ЛИТУРГИИ

Блаженны праздника, песнь 6-я, обою канонов со ирмосом на 6.



Пророк Самуил был пятнадцатый и последний судия Израильский, живший за 1146 лет до Рождества Христова. Он происходил от колена Левиина, был сыном Елканы из Рамафаим-Цофима, с горы Ефремовой. Родился испрошенный у Господа молитвами своей матери Анны (почему и получил имя Самуил, что значит «испрошенный») и еще до рождения был посвящен Богу. Когда мальчику исполнилось 3 года, мать пошла с ним в Силом и по обету отдала его в скинию на попечение первосвященника Илїя, который в то же время был и судьей над народом Израильским.

Пророк возрастал в страхе Божиим, и уже в 12 лет ему было откровение о том, что Бог покарает весь дом первосвященника Илїя за то,

что он не обуздывает своих нечестивых сыновей.

Пророчество сбылось, когда филистимляне, убив 30 000 израильтян (среди них были и сыновья первосвященника Офни и Финеес), одержали победу и взяли Ковчег Божий. Услышав об этом, первосвященник Илїй упал с седалища навзничь у ворот и, сломав хребет, умер. Жена Финееса, до которой слух о происшедшем дошел в тот час, когда рождался младенец, умерла со словами: «Отошла слава от Израиля, ибо взят Ковчег Божий» (1 Цар. 4, 22).

По смерти Илїя Самуил сделался судьей народа Израильского. При нем Ковчег Божий был возвращен из плена самими филистимлянами, а после обращения израильтян к Богу они вернули себе и все города, которые взяли филистимляне. Состарившись, пророк Самуил поставил своих сыновей — Иоиля и Авию — судьями над Израилем, но они не наследовали честности и правосудия отца, так как были корыстолюбивы. Тогда старейшины Израиля, желая, чтобы народ Божий был «как прочие народы» (1 Цар. 8, 20), потребовали у пророка Самуила поставить им царя. Пророк Самуил увидел в этом глубокое падение народа, которым до того времени управлял Сам Бог, возвещая волю через святых избранников. Оставляя должность судии, пророк Самуил спрашивал народ, не обидел ли он кого в продолжение своего правления, но никто не нашел за ним ничего. После обличения первого царя Саула в непослушании Богу, пророк Самуил помазал на царство святого Давида, который находил у него прибежище, спасаясь от преследования царя Саула. Пророк Самуил скончался, достигнув глубокой старости. Жизнь его описана в Библии (1 Цар.; Сир. 46, 16—23). В 406 году мощи пророка Самуила были перенесены из Иудеи в Константинополь.



В
ТОЙЖЕ
ДЕНЬ

**Канон молебный святителем Иоанну и Феодору,
епископом Суждальским**

Тропарь, глас 8:

Яко апостолом единоправных учителей Суждальския страны, / и целителей душ и телес премудрых, / и служителей Богу благоприятных, / к ракам честных мощей ваших притекающе, / ублажаем вас, святителие Богоблаженнии, Феодоре и Иоанне, / в песнях же и пениях, радуящися, славим Христа, / даровавшего вам благодать исцелений / и граду нашему Суждалю великое в вас утверждение.

Ин тропарь, древний, глас тойже:

Яко апостолом единоправнии, / и учителяе Суждальстей стране, / и целителие душам и телесем предобрии, / и служителие Божии благоприятнии, / к ракам честных мощей ваших притекающе, / святителю великий Иоанне и Феодоре Богоблаженнии, / сошедшися днесь, любовью память вашу светло празднуем в песнях и пениях, / радуящися и Христа славяще, / Иже таковую благодать даровавшего исцелений / и граду Суждалю великое утверждение.

Слава, и ныне, Богородичен:

Иже нас ради рождейся от Девы / и распятие претерпев, Благий, / испровергий смертью смерть / и Воскресение явлей яко Бог, / не презри, яже создал еси рукою Твоею, / яви человеколюбие Твое, Милостиве. / Приими рождшую Тя, Богородицу, молящуюся за ны, / и спаси, Спасе наш, люди отчаянныя.

Канон великим святителем и чудотворцем Иоанну и Феодору, епископом Суждальским, глас 8, егже краегранесие: Плету хвалу чудес великодательем.

Песнь 1

Ирмос: *Воду прошед, яко сушу, / и египетскаго зла избежав, / израильтянин вопиюще: / Избавителю и Богу нашему поим.*

Просветися Божественным мановением, яко светозарное солнце на востоке, / в Суждальстей стране преславная память ваша, славнии чудотворцы Иоанне и Феодоре, / молитесь Господеви о чтущих вас.

Лучами чудесными и светлостями Праведнаго Солнца осияваемы / и премудростию Божественною украсившися, Иоанне и Феодоре блаженнии, / непорочным житием Богу угодисте, / сего ради от Него достойно прославились, / молитесь о творящих память вашу.

Отцы сирым в мире сем являетесь, / вдовам и нищим питателие, скорбящим утешителие, / обидимым заступницы, граду нашему покровителие, / Иоанне и Феодоре, достоблаженнии чудотворцы преславнии.

Богородичен: *К Твоему прибегаю покрову, Пресвятая Владычице, / и радостно со Архангелом зову Ти: / радуйся, Свет мируи рождающая, / радуйся, стено и покрове всех нас, / Бога, яко Благодетеля, за ны моли.*

Песнь 3

Ирмос: *Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едине Человеколюбче.*

Феодоре блаженне и Иоанне досточудне, / яко имуще дерзновение ко Господу, святителие преподобнии, / молитесь о нас спастися нам, / верою чествующим священную память вашу.

Ангели земнии, человецы Небеснии стаду вашему являетесь, / воздержанием бо истинным и молитвою неуклонною взыдете в Вышний град добродетели, / идеже Присносущнаго наслаждаетесь потока.

Вопием вам, святии чудотворцы, Иоанне и Феодоре святителие, / совершающим память вашу

молітєся даровати очищєніє грєхѡв, / священно-
проповєдницѣ сущє Богонѡснии.

Богорѡдичен: Мати Чїстая Христá Бѡга и
Неискусобращная, Невѣсто Неневѣстная, / Тогѡ
моли спасти дѹши поѹщих Тя.

Ин кондак, глас 8:

Яко добродѣтелей учители, / молїтвами вáшими
подаѣте чтѹщим вас любѡвию / добродѣтелей
исправлєніє / и соблазнов избавлєніє.

Седáлен, глас 3:

Сосѹди честнїи воздержáния и богáтства некрá-
домаго, благочѣстїя, показáстєся, / воїстинну чу-
дотвѡрцы велицыи, святїтелие Иоáнне и Феѡдо-
ре, / безстрастїем житїє просветївше, трѣбу-
ющим чудес лучї испущáюще обильно, / Христá
Бѡга молїте даровати нам вєлію мїлость.

Слáва, и ныне, Богорѡдичен:

Кїйждѡ, идєже спасáетєся, тáмо правєдно и
притекáет, / и кѡе инѡе таковѡе прибѣжище, яко
Ты, Богорѡдице, / покрывáющее дѹши нáша.

Песнь 4

Ирмос: Услышах, Гѡсподи, / смотрєния Твоегѡ
таинство, / разумѣх делá Твоя / и прослáвих Твоѣ
Божество.

Торжествѡ вáше священное совершáюще, / со
слєзáми притекáем к рáкам честнѣх мощѣй вáших
и смиреннѡ молим: / святїи чудотвѡрцы, святїте-
лие Иоáнне и Феѡдоре, / ходáтайствуйте за нас ко
Гѡсподу.

Едїницу Несоздáнную богослѡвити научáюще, /
Тремї Лїцы разделяѣму, Непресекѡму и Несме-
шєнну, / просвещáюще благочестївыя священны-
ми учєнии вáшими.

Рáдостно Гѡрняго Иерусалима достигѡсте, свя-
тїтелие Иоáнне и Феѡдоре преблажєннии, / в
нѣмже ныне живѹще и со Ангелы ликѹюще, /
поминайте творящих вѣрою святѹю пáмять вáшу.

Богорѡдичен: Священнѣй лик прорѡчески про-
являше сдалече / хотящѹю Тя быти Бѡжию їстин-

ную Родительницу, Чистая, / вышшую Херувим и
всей твари.

Песнь 5

Ирмос: Просвети нас повелении Твоими, Господи, / и мышцею Твоею высокою / Твой мир подаждь нам, / Человеколюбче.

Новоявленни просияете святии чудотворцы, святителие Иоанне и Феодоре, / паче солнца в Суждальстей земли, / радуется же святая Церковь, имеющие в себе нетленные ваша мощи, / точащия исцеления богато с верою притекающим к ракам мощей ваших.

Напойвше души ваша слезными потоки, / содеясте их, святии чудотворцы, плодотворны добродетели всякия, / износяще чудес показаньи, преславнии.

Матере Божии Церкви красота и велеление бысте, / Богопроповедницы святителие Иоанне и Феодоре преблаженнии, / пением и благолепием сию украсивше, и ту почиете о Господе, / и неотступно с нами пребываете, за ны молящися.

Богородичен: Единого от Троицы Пребожественная, Пречистая, родила еси, / из Тебе плотию являшагося нам, / благоволением рождашагося и действием Духа Пресвятаго, Дево Мати.

Песнь 6

Ирмос: Молитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Господня радуется Церковь и веселится славный град Суждаль, / имея в себе чудотворныя мощи ваша, / святителие преблаженнии, Иоанне и Феодоре, молитесь Господу о чтущих вас.

Апостолом бысте подобницы, святителем удобрение, / иноком слава, постником утверждение, святителие Иоанне и Феодоре преблаженнии, / ныне же молитесь Господу за град и люди, / притекающия к ракам честных мощей ваших.

Любезно плоды благоразумия возделаете, / и служителие Владыце Христу явитесь, / и просве-

тѣсте своимъ учѣниемъ Сѹждадальскую страну, / и рѣзуму научѣсте Богоразѹмїя, вѣровати в Трѳицу Единосѹщную.

Богорѳдичен: Умертвѣи, Пренепорѳчная Дѣво, молю Тя, плѳти моея душетлѣнныя страсти, / рѳждшая плѳтию безстрастїя Источника, Христѳа Бѳга.

Кондѳк, глас 8:

Божѣственныхъ и пречестнѣхъ святѣтелей Христѳовыхъ и чудотвѳрцевъ Иоѳнна и Феѳдора, / вѣрнии, поѹще, да ублажѣмъ, / ѳко днесъ, в пѳмѳть ихъ притекаѹще к ракамъ мощей ихъ, / мѳлимъ многообразныхъ насъ обстоянїи избѳвити, да вопїемъ вамъ: / радѹйтесь, граду нашему и Цѣркѳи Христѳовой великое утверждѣние.

Їкос:

Їже Божѣственными добрѳтами осияваемѣи, святѣтелие достослѳвннн Иоѳнне и Феѳдоре, / чудесъ лучѣи повсѳду испущаѹще, и ѳко рѣки благочѣстїя явѣшася, / и учѣниемъ всю зѣмлю напоїша, / тѣмже, сошѣдшеся благочѣстно, васъ почитѳемъ и прилѣжно мѳлимъ: / радѹйтесь, граду нашему и Цѣркѳи Христѳовой великое утверждѣние.

Песнь 7

Ирмос: *Отъ Иудѣи дошѣдше, ѳтроцы / в Вавилѳне иногдѳ / вѣрою Трѳическою пламень пѣщннй попраша, поѹще: / отцѣв Бѳже, благословѣнъ есѣи.*

Ревнѣтелю Илиї и Боговѣдцѹ Моисѣю возревновѳвше, / ереси начальниковъ посрамѣсте и невѣрныхъ учѣниемъ просветѣсте, / святѣтелие Иоѳнне и Феѳдоре достоблаженннн, вопїѹще Христѹ: / отѣцъ нашихъ Бѳже, благословѣнъ есѣи.

Гѳрдаго змѣя смиренїемъ своимъ смирѣвше, святѣтелие Иоѳнне и Феѳдоре, / возвышаѣми к Бѳгу чѣстыми вашими рѣзумы, / тѣмже васъ почитѳемъ, вопїѹще Христѹ: / отѣцъ нашихъ Бѳже, благословѣнъ есѣи.

Орѹжиемъ вашихъ молѣтвъ, святѣи чудотвѳрцы, победѣвше бѣсы лукавыя, / с Небесѣи благодѳть приѣсте исцѣлѣти недѹги и прогонѣти бѣсы прите-

кающим к вам вѣрою и взывающим: / отецъ нашихъ Бóже, благословѣн еси.

Богородичен: Непрестáнно моли, Чистая, со святители / прошедшаго изъ чреслъ Твоихъ Христа, Бóга нашего, / избáвити отъ лести дiавола поющия Тя, Владычице, и вопиющия: / отецъ нашихъ Бóже, благословѣн еси.

Песнь 8

Ирмос: Царя Небеснаго, / Егóже поютъ вси ангельстии, / хвалите и превозносите во вся вѣки.

Архирейства мастию умащенни, / сосуди чистии и богатства некрадомая явистесь, / благочестия святителие и чудотворцы Иоанне и Феодоре, / но, яко имуще дерзновение ко Господу, / молитесь о нас, поющихъ и превозносящихъ Христа во вѣки.

Настá ныне честная ваша пáмь, святителие и чудотворцы Иоанне и Феодоре, / светильницы бо явистесь светлии, / якоже и пречудный святитель и учитель Ростовский Леонтий, чудотворец, / с нимже вкупе пребывающе, и нас озарите молитвами вашими, / Христа хвалящихъ и превозносящихъ во вѣки.

Крепостию Христовою возмогосте держáву низложить и силу вражю, / и похвалу победную, почести приясте, / и сынове бысте Трисолнечнаго Свѣта, / святителие велицыи Иоанне и Феодоре, помозите нам, / вѣрою призывающимъ васъ и превозносящимъ Христа во вѣки.

Богородичен: Сице, раби Твой, Пресвятая Дѣво, со Ангеломъ вопиѣмъ Ти: / радуйся, скиние Божия Слова; / радуйся, оружье и престóле; / радуйся, горó приосененная, / отъ неяже отсеченъ Камень Христосъ.

Песнь 9

Ирмос: Войстинну Богородицу / Тя исповѣдую, / спасеннии Тобóю, Дѣво Чистая, / с безплотными лики Тя величающе.

Духовнии органы, Божественнымъ мановениемъ озаряеми, / светильницы всезлатии, святителие и чудотворцы Иоанне и Феодоре, / неисцельныя

страсти наша и болезни исцелите / и испросите у Христа Спаса, / да молитвами вашими милость получим ныне и в День воздаяния.

Оружием ваших молитв, святителие и чудотворцы Иоанне и Феодоре, / исцелите наша недуги и болезни отжените / притекающим с верою к цельбоносным ракам мощей ваших.

Краснейшее прозябение бывше, велицыи чудотворцы, / в дому Божии, яко финиксы, прозябосте, добродетельми украшеннии, / и плоды чудесными мир облагоухаете.

Струями учений ваших заградивше мутная нечестивых учения, / яко река покажетесь мирная, / благочестием напаяюще составления верных, / святителие велицыи и чудотворцы, Иоанне и Феодоре Богоблаженнии.

Богородичен: Адамов Содетель от кровей Твоих чистых зиждется / и млеко питается, питая всякое дыхание, Дево Богородице, / темже, яко Богоматерь Тя славяще, верою песнь воспеваем.

Молитва

О велицыи угодницы Христовы и чудотворцы, святителие Феодоре и Иоанне! Се мы, недостойнии и грешнии, скорбми многими угнетаеми, к вам усердно прибегаем и с упованием крепким молимся: отцы благомилостивии и благопослушливии, милостивно услышите ныне глас наш молебный, и потщитесь на помощь нашу, и, яко при жизни вашей всем скорбящим и озлобленным помощницы и утешителие бысте, тако и ныне любовь вашу к нам явите благодатным действием богоприятных молитв ваших, претворяюще скорбь нашу на радость, печаль же на утешение, вся бо можете о укрепляющем вас Христе, Егоже вернии служителие бысте, от Негоже приявше вся обетованная благая, низпослите и нам великую и богатую милость Господню, да воспоем и прославим дивнаго во святых Своих Бога, Отца и Сына и Святаго Духа, ныне, и присно, и во веки веков. **Аминь.**

И́на моли́тва

О вели́цыи святителие и чудотворцы Ио́анне и Фе́одоре, уго́дницы Христо́вы и на́ши тёплии засту́пницы и моли́твенницы, земни́и а́нгели и Небе́снии челове́цы, Божество́вныя Трои́цы жили́ща, столпы́ благоче́стия, апо́стольскаго учения́ пропове́дницы, Правосла́вныя ве́ры утвержде́ние, церко́вная красото́, све́тлии светильни́цы, во бра́нэх крѣпцыи поборо́нницы, страна́ным утешѣние и покрóв вдо́вам, тёплии засту́пницы, сирота́м корми́тели, боля́щим целители, гра́ду Суждалю украше́ние, скорбя́щим утѣшители и всем ве́рою к цельбоно́сным мо́щей ва́ших ра́кам притека́ющим ско́рии коего́ждо к потре́бе прошѣнию послу́шатели, услы́шите нас, смире́нных и недостой́ных раб своих, с тёплой ве́рою и со слеза́ми припада́ющих к цельбоно́сным мо́щей ва́ших ра́кам. Не ве́мы бо вас ме́ртвых су́щих, а́ще и преста́вистеся от нас, но, ду́хом с на́ми неотсту́пно пребыва́юще, при́сно исполня́ете потре́бу коего́ждо к пользе́; прошѣния испроси́те па́стве своѣй и всем нам у Го́спода, всея́ тва́ри Соде́теля: благоде́нствие, земли́ благосто́яние, возду́ха благорастворе́ние, нам же, принося́щим вам си́е ма́лое моле́ние, коему́ждо телѣсное здра́вие и душе́вное спасѣние, и вся́кое прошѣние во благо́е, я́ко да ва́шим заступле́нием и моли́твами сохра́няеми, поклонѣние и сла́ву и благодарѣние возсыла́ем в Трои́це Еди́ному Бо́гу и всех Созда́телю ны́не, и при́сно, и во ве́ки веко́в. **Ами́нь.**

Святитель Иоанн, епископ Суздальский, по всей вероятности, родился в пределах Суздальско-Нижегородского княжества в начале XIV века. Он принял монашеский постриг в молодые годы. В 1350 году суздальский князь Константин Васильевич перенес столицу княжества из Суздаля в Нижний Новгород. Тогда же он пожелал поставить в своем княжестве отдельного от Ростова и Владимира епископа. По его просьбе был возведен в сан епископа Нижегородского и Суздальского боголюбивый инок Иоанн.

Отличаясь особой любовью к бедным и больным святитель Иоанн ходатайствовал перед князем об

уменьшении налогов крестьянам, устраивал больницы для больных, богадельни для престарелых, одиноких и убогих. Когда князь Константин покорил часть мордовских земель, святитель Иоанн усердно проповедовал слово Божие среди мордвы.

По благословению святителя Иоанна в Суздальской земле строились храмы, основывались иноческие обители. В самом Суздале был основан монастырь преподобным Евфимием Суздальским (+1404; память 1 апреля), которого святитель Иоанн поставил архимандритом новосозданной обители в 1352 году. В Нижнем Новгороде святитель благословил

князя Константина построить Покровский женский монастырь, в котором в 1364 году поставил настоятельницей племянницу преподобного Евфимия Суздальского.

После 1365 года, при святителе Московском Алексии (†1378; память 12 февраля), Суздаль вошел в состав Московской митрополии. С того времени святитель Иоанн, оставив управление епархией, поселился в Боголюбской обители и стал вести уединенную жизнь, подвизаясь в посте и молитве. Рукописное житие сообщает, что он жил безмолвником. 15 октября он мирно скончался и был погребен под спудом в кафедральном соборе Суздаля в честь Рождества Пресвятой Богородицы.

В том же соборе еще в 1023 году был погребен **епископ Ростовский Феодор**, о жизни которого известно очень мало. Родом грек, он прибыл в Киев из Херсона вместе с Киевским князем Владимиром после крещения. В 990 году был посвящен во епископа Ростовского и стал первым архипастырем Ростовской земли. Однако управлять паствой и просвещать светом Христовой истины ростовчан епископу Феодору довелось недолго, так как через некоторое время он был изгнан из Ростова язычниками. Святитель Феодор удалился в Суздаль, где устроил храм в честь Рождества Пресвятой Богородицы. Подробных сведений о святителе Феодоре не сохранилось. Известно только, что он неоднократно посещал Ростов, скончался не ранее 1023 года и был погребен в соборе Рождества Пресвятой Богородицы в Суздале. По преданию, открытие и прославление святых мощей святителя произошло еще до нашествия на Русь полчищ хана Батыея.

Нетленные мощи святителей Феодора и Иоанна почивали открыто в устроенных гробницах. В XVIII веке согласно Духовному Регламенту, составленному в 1720 году по приказу Петра I епископом Псковским Феофаном Прокоповичем (впоследствии архиепископом), стали изучаться сведения о мощах малоизвестных святых. При этом под влиянием протестантизма некоторые пытались упразднить и ослабить почитание святых и их благодатных останков. Святители Феодор и Иоанн почитались



тогда только в Суздале и окрестностях. Сведений об открытии их мощей к тому времени не сохранилось. Поэтому в 1739 году, в период засилья немцев-протестантов при временщике Бироне, некоторые пытались посеять сомнение относительно мощей святителей. Но народ отстоял церковные святыни, и потому празднование памяти святителей Феодора и Иоанна совершалось в суздальских храмах по-прежнему торжественно. Преемник епископа Симона (1739—1747) епископ Порфирий (1748—1755), узнав о возникших сомнениях, потребовал от священнослужителей собора сообщить имевшиеся сведения о святителях Феодоре и Иоанне.

Все собранные сведения епископ Порфирий послал на рассмотрение в Святейший Правительствующий Синод. К тому времени обстановка в стране изменилась. Рассмотрев дело, Синод прислал в Суздаль указ от 17 апреля 1755 года, в котором говорилось: «Понеже оные святые Феодор и Иоанн были архиереи православные, в Суздальской стране пастырие благочестивии, и по скончании своея жизни пребыли и ныне пребывают

нетленными... то не имея никакого о них сумнительства, вновь ныне свидетельствовать несть потребности и оставаться в таковом же как ныне были состоянии и почитании». Получив указ 27 августа того же года, епископ Порфирий, в свою очередь, оповестил о нем свою паству и распорядился: «Оных святителей Феодора и Иоанна епископов, во всех священнослужениях, где принадлежит, воспоминать неотменно, и память оных святителей празднество по церковному чиноположению повсегодно исправлять — святителю Феодору июня в 8 день,

святителю Иоанну—октября в 15 день, как издревле в оные дни оным празднества исправлялись...».

20 августа 1879 года честные мощи святителей Феодора и Иоанна, по указу Святейшего Синода, были переложены в новые серебряные раки, устроенные усердием суздальцев. В честь этого события было установлено празднование.

Литература

Известие о святых святителях Феодоре и Иоанне, Суздальских чудотворцах. М., 1850.

